

Juni 13, 2017

www.awemainta.com
www.facebook.com/awemainta
noticia@awemainta.com
583-1400



AWEMainta

CANDELA A CABA LOKE TABATA CONOCI COMO EX DEPOSITO DI WIMCO



Experience the difference

- Alarm Installation
- Camera Installation
- Online viewing
- Monitoring Service
- Guard Service
- Patrol Service



*Your protection
partner since 1996*



**INVEST
SECURE N.V.**

*We don't just say it...
We Guarantee it!*

Phone: (297) 582-7252
E-mail: insec@setarnet.aw
f: [@investsecurearuba](https://www.facebook.com/investsecurearuba)

Bentana y portanan no ta habri mes,
pasobra nan ta di mal calidad

Docentenan di Pius X School a bay den accion, ya cu nan no por cu e calor sofocante



AYERA mainta, docentenan di Pius X School na Dakota a dicidi di bay den accion, pasobra nan no por mas cu e calor sofocante cu ta haci na dicho skol.

Director di e skol, sra. Sheila Tromp a confirma cu e docentenan a inform'e cu lo no habri e klasnan, pasobra nan no por mas cu e situacion cu nan t'aden, esta debi n'e calor sofocante, pero riba dje, e bentananan no ta habri.

E bentananan ta blo cay for di otro, y e docentenan ta cansa di tur dia di kita y pone bentana, etc.

No ta for di awor, nan ta bezig cu e situacion aki, pero for di basta tempo caba nan ta canando pa haya atencion, pero nada.

A reuni cu SKOA, nan tin raport di DTI y ultimo, e Directora a manda un carta p'e Minister, pero no a haya reaccion.

Awor cu ta practicamente na final di un otro aña escolar, e docentenan a bisa di no por sigui asina y demanda pa un solucion a corto plazo, segun sra. Sheila Tromp, kende ta alabes Presidente di SIMAR.

SKOA

Papiando cu Directora di SKOA, Josette Daal, el a confirma cu e problema aki a wordo señala un par di biaha caba. A haci afspraak cu e cabesante, pasobra de facto ta poco dia pasa cu DOW a finalisa e trabao di renobacion di dicho skol, pero awor ta resulta cu e material usa no ta adecuado p'e skol aki.

Berdad Aruba ta den temporada di calor y pesey awor e docentenan ta demanda p'e skol haya airco, pero segun Josette Daal, Pius X School no t'e unico skol cu kier airco. A sinta na mesa, pero no tabatin follow-up y nada a sosode, pesey ta di compronde, cu e maestronan no por sigui duna les den e calor aki.

Siman pasa, tabata asina calor, esta 41 grado den un klas, cu sigur no ta saludable pa ningun hende, segun Directora di SKOA.

Mester bin un solucion a corto plazo, maske falta 3 siman mas pa clausura e aña escolar.

Manera menciona, Pius X School no t'e unico skol cu tin e problema aki, pero Pius X School t'e unico cu a bay den accion. Asina p.e. tin St. Aloysius School na Noord cu ta den mesun situacion. Aki poco dia, lo t'asina calor, cu ta manera den un forno lo tin cu duna les.

SKOA a manda un carta p'e Minister pa wak con por yega na un solucion a corto plazo.


SIMAR

Sindicato di Maestro su Secretaria, sra. Maroescha Cornelie tambe ta na altura di e situacion aki, y a bisa cu esaki no ta data for di awor, pero pa varios aña caba. A pidi pa cambia e bentana y portanan, pasobra nan no ta habri mas. Nan ta di mal calidad y pesey e docentenan a bay den accion, pa bin cu proposicion pa soluciona esaki.

Si ta papia di airco, esaki no ta un luho mas, y e ta bira necesario pa tur skol na Aruba. Pero ora cu coriente bay, e bentana y portanan lo mester por habri.

Situacionnan aki no ta aceptable mas, segun SIMAR, cu ta sostene e accion aki, No por sigui haci abuso cu yiu di hende, cu mester traha den calor. Esaki no por mas!!

Candela a caba loke tabata conoci como ex deposito di WIMCO



TABATA diadomingo anochi algo pasa di 10 or, a bati alarma pa un candela grandi na Montana, Dakota, unda un deposito a sende na candela. Causa di esaki ainda no ta conoci, pero ta ser investiga.

Tabata den oranan di madrugada, pa mas o menos 3 or, por bisa cu e candela tabata domina. E edificio aki ta conoci como ex deposito di WIMCO of di ex Texas y unda cu e candela tabata, tabatin hopi colchon, unda tur a kima.

E candela tabata hopi grandi y for di un distancia por a mira e lenganan di e candela.

A hasta solicita presencia di e Hoogwerker pa por ataca e candela for di halto.

Polis, cu a presenta n'e sitio pa duna un man den evacua habitantenan den e area, pa temor cu e huma lo por haci nan daño. Bomberonan mester a rek hose pa haya awa di e hydrantnan den becindario.

Durante dia, oficialnan di Cuerpo di Bombero a bay inspecciona e sitio, unda a constata cu tur cos cu tabatin den e deposito, a kima. Bomberonan a combati e candela, evita cu e lo expande, y e strategia a traha.

E sitio aki ta conoci, cu tin varios deposito di varios comerciante. No ta conoci, cua deposito, di cua comerciante a kima exactamente. Origin di e candela, ta ser investiga. Mester menciona, cu loke cu a kima, no ta sirbi mas, y na su debido tempo, lo mester basha abao, loke cu a kima.

KvK encuanto e prome Debate Electoral 2017:

Prome debate electoral a demostra cu pueblo kier scucha mas di nos lidernan politico



focus riba futuro: Enseñansa, Cuido medico (Salubridad), Finansa Publico y Aparato Gubernamental, Economia, "Doing Business in Aruba", "E-Commerce", Haci negoshi ilegal, Inmigracion, Pensioen y pensionadonan cu estabilidad financiero y Aspectonan social di comunidad.

Tur participante a ricibi 1 minuut y mey pa duna contesta y despues mey minuut pa elabora rib'e pregunta of reacciona riba contesta di e otro participante.

Pregunta & Contesta (Q&A)

Ora di Pregunta & Contesta e publico presente, e teledientenan y demas audiencia a haya e oportunidad pa haci pregunta via e-mail. E preguntanan a wordo controla y selecciona dor di e panel y e moderador ta esun cu a haci e pregunta. Tur e lidernan politico a wordo invita pa subi escenario y a haya e oportunidad pa duna contesta rib'e preguntanan y tambe pa debati otro rib'e topico. Prome cu clausura tur participante a ricibi 1 minuut pa dirigi un ultimo palabra.



Comportacion di publico

E publico a reacciona hopi bon y a demostra bon comportacion durante e anochi. E moderador a mantene control den e sala y por bisa cu a ofrece pueblo e oportunidad di evalua e lidernan rib'e topiconan presenta y asina orienta mas miho cu cua di e partidonan nan ta mas inclina pa deposita nan confiansa aden.

Encuesta Debate

Por a nota cu riba Facebook tabatin varios comentario rib'e Debate. KvK a lansa conhuntamente cu DOC Opleidingen y Noticia Cla un encuesta cortico unda ta duna e oportunidad pa publico en general duna nan opinion rib'e formato presenta di e Debate y pa asina por evalua y tene cuenta cu esaki p'e siguiente Debate den luna di augustus proximo.



DIAHUEBS anochi, 8 di juni 2017, den un sala completamente yen a tuma luga e prome Debate Electoral 2017 organisa dor di Camara di Comercio (KvK). E expectativanan tabata halto p'e debate y di e reaccionnan ricibi e sintonia na cas via TeleAruba tambe tabata uno halto.

Presidente di KvK, sr. Ernst Mohamed a habri e anochi cu un discurso dirigi na e publico y a gradici e participantenan di e prome debate. E moderador, sr. Ruben Trappenberg a introduci e lidernan participante y panel, despues a duna instruccion di e debate y a guia e debate den bon forma.

Structura di e debate

P'e debate aki tabata presente e lider di e partidonan politico AVP, MAS, MEP, POR, PPA, RED y UPP.

E participantenan a wordo dividi den 3 grupo (2 grupo di 2 persona y 1 grupo di 3 persona). E composicion y turno di presentacion a wordo dicide via lot. Ora e pregunta a wordo haci na e participantenan rib'e stage, a brinda oportunidad na e demas participantenan pa contesta e pregunta rib'e pagina di Facebook di KvK.

E preguntanan tabata basa riba diferente topico cu ta concerni Aruba en general y a

KvK kier gradici Marriott Aruba pa nan bon servicio e anochi aki y Elite Productions cu a percura pa un tremendo set up pa e evento. KvK ta gradici Tele Aruba cu a percura p'e Debate wordo transmiti en bibo via Tele Aruba y via RTV7 na Hulanda, como tambe Magic FM y Power FM p'e transmision en bibo via radio. Un palabra di gradicimento ta bay tambe na tur medio di prensa presente.

Interparlementair Koninkrijksoverleg 2017
ta cuminsa diaranson awor

Reunion bi-anual entre Parlamentonan di e 4 paisnan di Reino - Aruba, Corsou, Sint Maarten y Hulanda

DIARANSON 14 di juni te cu diabierna 16 di juni e Parlamentonan di Aruba, Corsou, Sint Maarten y Hulanda ta reuni na Den Haag, Hulanda.

Nan ta cuminsa diaranson dia 14 di juni mainta cu un reunion plenario na Eerste Kamer presidi p'e miembro di Eerste Kamer, Ruud Ganzevoort.

Despues ta sigui den sesionnan den cual lo papia tocante e temanan di cambio di clima, sostenibilidad, hubentud y hobennan, enseñansa, oportunidad economico dentro di Reino, salubridad, discriminacion y in-

tegridad di gobernacion.

Diaranson lo intercambia idea tambe tocante e situacion actual na Venezuela y e nificacion di esaki p'e region di Caribe y tambe e miembronan di delegacionnan lo pensa tocante 'E Reino ideal den 2040'.

Diahuebs 15 di juni tin e.o. riba e programa un reunion cu e miembronan di e Eilandsraadnan di Bonaire, Sint Eustatius y Saba. Diahuebs merdia lo tin algun bishita di trabou na Elemental Water Makers, e proyecto Nuon Solar y Stichting The Ocean Cleanup.

Ta sera e reunionnan interpar-



lamentario diabierna cu e firmamento y firmamento di un lista di palabracion y tambe un conferencia di prensa cu e hefenan di e 4 delegacionnan.

E deliberacionnan entre e delegacionnan ta publico y por sigui esakinan bibo y directo pa medio di livestream, dependiendo unda esakinan ta tuma lugar, riba e website di Eerste Kamer y di

Tweede Kamer.

www.eerstekamer.nl, www.tweedekamer.nl

Link pa canal di YouTube di Tweede Kamer:

https://www.youtube.com/channel/UCeqXS8PoH57XaizXK-MTL_UQ/feed

Adhunto un potret di grupo di delegacion di e 4 paisnan di Reino na IPKO 2016 na Hulanda

Mi Tata, Mi Heroe

Aplica pa Internet y Cable TV
y ricibi bo instalacion GRATIS



participa pa
gana un

Samsung Gear 2

*Oferta ta valido cu un contract di 2 aña pa cliente nobo y existente cu kier switch di DSL pa Cablenet.
*Pa Cablenet ta rekeri un pakete di Cable Digital.
*Descuento riba instalacion ta aplicabel solamente ora cliente busca tur dos servicio of ora cliente cambia su servicio di DSL pa Cablenet.
*Oferta ta valido te cu 17 di juni 2017.



SETAR
Creating Connections

Jacky van Putten:

POR su meta ta pa percura pa tur ciudadano cu ta desea di haci deporte tin e posibilidad y oportunidad pa haci esey

Tanto recreativo como competitivo

FIN di siman cu a pasa e Plataforma Nobo POR a subi caya pa bishita hogarnan tur rond di nos isla y comparti nos programa di gobernacion. Mester remarca cu e pueblo tabata masha habri y nos a wordo permiti di drenta y sinta cu nan. Nos por a wak un pueblo cu ta cla pa e cambio, un pueblo cu kier mira algo nobo y no e mesun dos partidonan di semper. Pueblo kier e cambio y nan ta mir'e den partido POR, según Jacky van Putten.

Loke a resalta como preo-

cupacion principal ta e falta di seguridad. Nan no ta sinti nan mes sigur mas riba caya, ni sikiera den nan propio cas. Nan ta expresa cu nunca den nan bida nan a sinti nan mes asina insegur.

Otro preocupacion grandi ta e cuido di salud, mas especificamente e aceso na nan docter.

El a bira un caminda di cruz pa simplemente haya un cita cu bo dokter di cas pa despues tin cu warda lunanan pa haya un cita cu especialista.

E di tres preocupacion ta nan entrada y e costo di bida. Nan ta expresa

cu e placa no ta yega y mester bringa tur luna pa cumpli cu awa, coriente y wak te unda e florin ta rek pa compra cuminda. E ta bon pa candidatonan cana den pueblo y scucha y mira pa nan mes kico ta biba den e pueblo, van Putten ta splica.

Como candidato rib'e Plataforma Nobo, pa deporte y recreacion mi por a nota cu e oportunidadnan p'e barionan riba tereno di deporte ta hopi limita pa no bisa cu den hopi bario no tin mes. Gobiernonan a concentra riba facilidadnan grandi pero a lubida rib'e accesibilidad na nan. E facilidadnan a bira mucho caro pa uza cu e consecuencia cu e famianan no por haci uzo di nan. Nos ta puntra pakico anto a hinca tanto placa si despues no por uzanan y mas tristo ainda ta laga nan bay atras sin mantencion.


Den e Plan di Accion di Plataforma Nobo punto 2.3 di deporte nos prioridad ta brinda tur hende den tur bario e accesibilidad na deporte, nan mester a base di un costo minimo t e

gratis tin e aceso na deporte, movecion y recreacion.

Costo di salud ta halto y nos pueblo ta sufri grandemente cu sobreso, diabetis, presion halto y problemanan di riñon. Un di e formen mas efectivo pa combati esaki ta movecion.

Prevencion ta mas importante cu cura. Gobierno tin e responsabilidad pa cu pueblo pa provee e oportunidad p'asina desde edad hoben por wordo guia den deporte, van Putten ta remarca.

Plataforma E Forsa Nobo tin un plan di maneho cu lo wordo implementa apenas cu nos ta den Gobierno. Tur bario lo haya e atencion necesario, facilidanan lo wordo renova y adapta pa asina por brinda e oportunidadnan tur bou guia profesional di instructornan y boluntarionan capacita. No mag y no por acepta mas cu facilidadnan paga cu placa di pueblo ta prefera di keda cera pasobra no tin placa pa haci uzo di nan. Esaki ta un crimen y un abuso cu lo termina!, Jacky van Putten a sigura na final.



Di acuerdo cu Ministerio Publico

Detencion di persona sospecha di a soborna Minister Paul Croes alarga cu 60 dia

MINISTERIO Publico ta informa lo siguiente, relaciona cu e investigacion penal Ibis, di cual e ultimo relato di prensa a sali riba 16 di mei 2017, t'asina cu den e investigacion penal Ibis (den cual e.o., Minister Paul Croes ta wordo sospecha di ambtelijke corruptie, maluso di su funcion, traficacion di hende y labamento di placa) un di dos sospechoso a keda deteni.

Ta trata di e tramitador F.D.S., kende a wordo deteni riba sospecho di actieve ambtelijke omkoping (soborno). Prome cu ne a keda deteni J.F., tambe tramitador.

Trabao of negoshi di tramitadornan manera J.F. y F.D.S. ta pa intermedia, contra pago, pa stranheronan den pidi permisonan di estadia. Ambos ta wordo sospecha di a, e.o., paga Minister Paul Croes en cambio p'e ontheffingnan di e arbeidsmarkttoets firma p'e Minister.

Huez-Comisario di Corte den Prome Instancia di Aruba a dicidi siman pasa cu tin suficiente motibo (ernstige bezwaren) cu tanto J.F. y F.D.S. a haci nan mes culpable di a soborna Minister Croes. Huez-Comisario a dicidi pa duna ordo pa detencion (gevangenhouding) di J.F. pa 60 dia mas, riba exigencia di Fiscal di Husticia y considerando e interes di e investigacion penal.

E detencion di e otro sospechoso, F.D.S., a wordo alarga cu 16 dia (bewaring). Ministerio Publico no ta exclui cu den e periodo nos dilanti, lo existi gevangenhouding di F.D.S. tambe. Ambos sospechoso ta keto bay den tur beperking (no mag di tin ningun contacto). E investigacion Ibis lo continua y den e periodo benidero lo sigui mas detencion. Te aki e comunicado di prensa si Ministerio Publico.

Mientrastanto pa diarazon awor, abogado di Minister drs. Paul Croes lo ta na Aruba, y probablemente lo tin un conferencia di prensa, duna pa mr. Marije Vaders.

AUCTION

THURSDAY JUNE, 22 2017

On June 22, 2017, at 11 AM, at the Conference Room of the Chamber of Commerce, Aruba, will be auctioned in public, ex. 3:268 Civil Code of Aruba:

1. A residential house locally known as:

NOORD 33-B

- standing on a parcel of public land, 300 m2 size, situated at Noord in Aruba, locally recorded as Second Division Section C number 646, and;
- standing on a parcel of public land, 498 m2 size, situated at Noord in Aruba, locally recorded as Second Division Section C number 2898.
The lease rights expire on November 2, 2059.

No reserve price will be used for the auction of this property.

Only serious offers will be considered.

2. A residential house, locally known as

NOORD 100-Z

standing on full ownership land, 90 m2 size, situated at Noord in Aruba, locally recorded as Second division Section D number 1841.

No reserve price will be used for the auction of this property.

Only serious offers will be considered.

3. A residential house, locally known as

RUDOLF ARENDSSTRAAT 42

standing on full ownership land, 727 m2 size, situated at Rudolf Arendsstraat in Aruba, locally recorded as First Division Section N number 307.

No reserve price will be used for the auction of this property.

Only serious offers will be considered.

AUCTION NOTARY: T.R. Johnson, LL.M.

- The auction is subject to the general conditions for foreclosure auctions and special auction conditions which will be determined by civil law notary T.R. Johnson.
- The auction will take place by raising bids (in Dutch: "bij opbod") and by decreasing bids (in Dutch: "bij afmijning"), in one session.
- Seller has the right to not accept any bid, at his sole discretion.
- The auction may be stopped or postponed at any time.
- Each bidder must be able to submit a bankguarantee issued by a reputable bank in Aruba to the amount of the highest bid increased with an amount equal to the auction costs.

For more information:

WWW.JOHNSONNOTARY.COM

Parlamentario mr. Juan E. Thijsen (MEP):

Gobierno di AVP definitivamente no por soluciona e problemanan financiero di nos pais

Y mester wordo reemplasa pa un Gobierno cu si ta capacita

PARLAMENTARIO mr. Juan E. Thijsen a tuma nota tanto di declaracion di Ministro di Finansa tocante e situacion financiero di pais Aruba den e prome kwartaal di 2017 y tambe di e ultimo raport di Caft di 2 di juni tocante e finansa di Aruba. Parlamentario Thijsen ta constata cu tin un discrepancia grandi entre Bermudez y Caft.

Segun Ministro di Finansa, e situacion den e prome kwartaal a resulta loke a premira. Caft, sinembargo, ta bisa cu e situacion ta pio di loke a premira y cu e situacion di pais Aruba ta preocupante. “Het Caft meent dat de cijfers over het eerste kwartaal 2017 reden geven tot zorg”.

Di su banda Bermudez ta bisa: “No ta presupuesta pa kwartaal, pero pa aña. Tin cu tene cuenta e ora cu crecemento economico, cual tur hende sa cu ta depende di e actividadnan di e rehabilitacion di refineria. Falta 7 pa 8 luna pa e por habri. Ainda tin espacio pa realisa e presupuesto manera cu el a wordo formalisa den Parlamento.”

E raport di Caft di su banda ta indica e. o. cu e norma di 0.5% no a wor-

do alcanza, entradanan presupuesta a keda atras mientras gastonan e. o. di personal a subi. Esey, segun Parlamentario Thijsen kiermen cu Gobierno atrobe tin cu bay presta placa y asina ta subi debenan di e pais mas ainda. Problemanan financiero di nos pais no ta wordo soluciona y ta bisto cu e Gobierno ta incapaz pa logra ainda.

1. Credibilidad

Manera conoci den mundo financiero credibilidad ta hunga un rol grandi. E credibilidad di Aruba cada bes ta birando pio ya cu Gobierno cada bes ta priminti y cada bes ta keda sin cumpli manera nos por wak. Ministro di Finanza Bermudez no ta worry cu presion di Caft. Bermudez: “Una bes cu e presupuesto wordo formalisa y el a wordo aproba den Parlamento, ta esey pa Gobierno ta ley. Loke cu Caft ta haci, e ta supervisa e ehecucion y ta wak cierto momento cu e ehecucion ta keda den cuadro di e presupuesto”.

Parlamentario Thijsen ta kere cu akinan Bermudez ta ekiboca su mes grandemente.

Bermudez ta lubida cu mientras Aruba su credibilidad ta keda bay atras

Gobierno di Reino no lo bay yuda Aruba cu prestamonan na interes abao ni cuanto Prome Ministro di Aruba y lider di AVP Mike Eman lembe. Manera ta conoci Aruba ta paga anualmente mas di 200 miyon na interes cual ta pisa masha hopi mes rib’e presupuestonan di pais Aruba.

2. Un economia fuerte y sano ta e solucion.

Gobierno di Aruba ta trata di sobrevivir di un maneho agresivo di cobramiento di belasting y ta wardando entrada for di e refineria di cual AVP tabata contra su reapertura. Sin e refineria e situacion lo tabata mas dramático.

Sinembargo, segun Parlamentario Thijsen, e maneho economico di Gobierno di AVP no lo ta suficiente pa resolve problemanan financiero pasobra ta bay bin acerca e pago bek di PPP-proyectonan y tambe e necesidadnan urgente di pueblo manera den enseñansa, husticia y salubridad. Esey kiermen cu mester bin un economia mas fuerte. No solamente esaki lo trece entradanan nobo pa Gobierno pero tambe e lo duna espacio pa introduci un aparato gubernamental nobo, eficiente y modernisa. Un maneho economico agresivo den e siguiente añanan lo mester produci empleo interesante, di

calidad y di bon pago p’esnan interesa pasa voluntariamente di sector publico pa sector priva.

Segun Parlamentario Thijsen, tanto un maneho di kita hende obligatorio no ta funciona y tampoco ofreciendo VUT-regeling ta funciona. Esaki historia a muestra hopi biaha caba. Solamente a base boluntario lo por baha gastonan di personal cu ta pisa hopi rib’e presupuesto di Aruba.

Acerca, Parlamentario Thijsen ta kere den introduci cambionan laboral atractivo den e sector priva manera mas dia di vakantie, vakantietuitkering, kindertoelage, etc. Di otro banda, Gobierno mester mas hende den cierto ramonan.

Parlamentario Thijsen ta kere tambe cu Gobierno mester ta mas realistico den cobranza di belasting. Comercio y ciudadanonan hopi biaha tin boluntad pa paga, pero no tin e espacio actualmente.

Un prome paso di un gobierno nobo di MEP lo ta baha e cantidad di Ministro y di coordinador cu lo trece un spaarmento di por lo menos 50 miyon. Tambe crea credibilidad ta un urgencia pa haya e prestamo cu interesnan abao, cu lo por scapa un 200 miyon.

Parlamentario Thijsen ta urgi pueblo pa sigui e desaroyonan di nos pais tanto financiero y economico y no permiti cu un Gobierno di AVP sigui tin nos pais den un situacion na unda ni ciudadanonan ni comercio por sobrevivi.

Al contrario a bira tempo pa hunto nos logra cambionan pa mehora e calidad di bida na nos pais. Parlamentario Thijsen y partido MEP ta cla p’e reto. Hunto p’e cambio sin miedo.



BO MESTER DI WASTE BUCKET RESIDENCIAL OF COMERCIAL?

ecotech studio

YAMA

Mr. Bucket

594-3757
mrbucket@ecotech.nv

20 yrd Big Bucket

15 yrd Junior Bucket

10 yrd Small Bucket

Evelyn Wever-Croes: Reunion Tripartiet na Hulanda



DIALUNA, 12 di juni, a cuminsa reunionnan Tripartiet na Hulanda entre e Parlamentonan di Aruba, Corsou y Sint Maarten. Despues den siman tin reunionnan conoci como IPKO den cual Parlamentonan di Hulanda tambe ta participa. Durante e reunionnan aki ta trata temanan di interes comun entre e islanan.

PENSIOEN DI BIEHES DI SVB CURACAO

Fin di aña pasa, SVb di Corsou a informa tur pensionado cu ta biba na Aruba, cu lo corta nan pensioen cu 10% y ademas nan lo perde e kerstbonus. Un decision cu a afecta e pensionado na Aruba severamente. “Na Cede di MEP mi ta atende hopi pensionado tur siman, y mi por a constata cu e problema aki ta serio na Aruba tambe. Mi a purba atende e tema aki cu Gobierno di Corsou, pero nan a referi na Gobierno di Aruba cu mester atende e tema aki. Lamentablemente, sr. Mike Eman no a muestra ningun interes pa atende esaki. Pues awor mi lo trese e punto aki dilanti cu Parlamento di Corsou durante e encuentronan Tripartiet”, Evelyn Wever-Croes a duna di conoce.

INTEGRIDAD

Integridad ta un tema cu lo wordo trata durante e reunion Tripartiet y durante IPKO mirando cu e topico aki ta hopi halto riba agenda di Reino. “Di nos parti nos ta prepara pa lucha pa nos no perde e autonomia cu nos tin rib’e tereno aki, apesar cu nos tin un Gobierno cu no ta interesa su mes mucho p’e tema aki. Dos siman pasa den Parlamento nos por a constata con Gobierno di AVP en bes di traha un ley pa combati corrupcion, a traha un ley pa acomoda corrupcion. Hulanda a avisa nos caba cu nan lo interferi si Aruba no tuma pasonan necesario. MEP a presenta un nota ya caba desde 2014, y a adapta esaki na 2015 den cual ta stipula e caminda cu mester cana pa Aruba tambe tin leynan di integridad. Lamentablemente, ainda Gobierno no ta tumando e tema aki na serio y no ta dunando prioridad na esaki”, ta locual lider di MEP a informa. Den e siguiente diano lo informa tocante e demas topiconan riba agenda na Hulanda.

Johnson
notary services

AUCTION

ex. 3:268 Civil Code of Aruba

THURSDAY JUNE, 22 2017

On June 22, 2017, at 11 AM, at the Conference Room of the Chamber of Commerce, Aruba, will be auctioned in public:

1. A residential house locally known as:

HILDEBRANDSTRAAT 40

standing on a parcel of public land, 188 m2 in size, situated in San Nicolas, Aruba, locally recorded as **5 M 65/1986**. The lease rights expire on May 12, 2053.

Starting price: Afl. 91.750,--

2. A residential house locally known as:

WAYACA 217

standing on a parcel of full ownership land, 609 m2 in size, situated at Wayaca in Aruba, locally recorded as First Division Section T number 1511.

Starting price: Afl. 283.000,--

3. A residential house locally known as:

TIMBALSTRAAT 10

standing on a parcel of public land, 355 m2 in size, situated at Tarabana in Aruba, locally recorded as **5 M 9111/1900**, with indexnumber D99143. The lease rights expire on March 27, 2063.

Starting price: Afl. 106,000.00

AUCTION NOTARY: T.R. Johnson, LL.M.

- The auction is subject to the general conditions for foreclosure auctions and special auction conditions which will be determined by civil law notary T.R. Johnson.
- The auction will take place by raising bids (in Dutch: “bij opbod”) and by decreasing bids (in Dutch: “bij afmijning”), in one session.
- Seller has the right to not accept any bid, at his sole discretion.
- The auction may be stopped or postponed at any time.
- Each bidder must be able to submit a bankguarantee issued by a reputable bank in Aruba to the amount of the highest bid increased with an amount equal to the auction costs.
- A private written bid can be submitted until June 7, 5 P.M.

For more information:

WWW.JOHNSONNOTARY.COM

Director di departamento di Enseñansa, Annemarie Proveyer

ISL ta e prome programa den Enseñansa cu a trece tur hende rib'e mesun linea



INTERNATIONAL School Leadership (ISL) ta un programa specificamente pa lidernan den enseñansa. Tin diferente lider y e grupo cu tabata presente na e congreso ta lidernan den tur tipo di nivel den enseñansa, tur hende cu ta asumi un responsabilidad den enseñansa.

Director di Departamento di Enseñansa, Annemarie Proveyer tambe tabata presente na e congreso.

Antes semper tabata haci trabou riba cualkier inovacion pa enseñansa, pero loke cu a sosode ta cu un grupo tabata cuminsa un caminda, mientras cu un otro tabata cuminsa otro caminda y nan no tabata papia cu otro. Esaki tabata pa motibo cu nan no tabata traha rib'e mesun cosnan. Loke cu tabata pasa ta cu iniciativa tabata cuminsa y tabata muri.

“Den e caso aki Minister di Enseñansa a percura pa tur hende den 2 aña largo ta pasa den e mesun proceso”, Annemarie Proveyer a remarca.

Tur ta siña e mesun conceptonan, tin e mesun frame work y esey ta un buki cu tur hende a haya. E frame work aki ta manera un diccionario cu nan tur por uza, pero tambe un instrumento cu nan por reflexiona riba nan responsabilidad, pakico nan mester



tin nan rol, kico nan por haci pa mehora nan propio trabou, pero tambe den scol, den sistema di enseñansa en general.

“Esey ta e cos bunita y e ta sali for di un vision di nos Minister. El a saca su maneho cu ta trece padilanti tambe un vision di cu nos mes, cada un di nos tin e habilidad y responsabilidad pa asumi e trabounan den un forma cu ta constructivo”, Annemarie Proveyer a remarca.

Esaki ta pa yega na mehoracion di enseñansa en general.



Studentenan na Amsterdam impresiona **Minister Yrausquin a tuma tempo pa sinta y tende nos preocupacionnan**



DEN HAAG – Un anochi sumamente informativo, constructivo y ameno. Asina Minister Plenipotenciario Juan David Yrausquin a caulifica su encuentro cu studiantenan na Amsterdam. Un grupo di casi di 50 estudiante tambe a bisa di a aprecia e oportunidad pa topa y papia cu Minister Yrausquin.

Na comienso di e encuentro Minister Yrausquin a bisa di ta contento cu hopi estudiante a responde positivo riba su invitacion p’e anochi aki. E mandatario a bisa di a bin na e encuentro aki cu un solo meta y esaki ta pa scucha kico ta biba bou di e studiantenan Arubiano en general, pero e biaha aki particularmente bou di esnan cu ta studia na Amsterdam.

Minister Yrausquin a tuma tempo pa a pasa na cada mesa y a sinta papia y scucha loke e studiantenan tin di bisa riba nan bida como estudiante.

Durante di e anochi algun estudiante a bai live via di Facebook pa conta riba nan experiencia como estudiante na Hulanda y special tocante di Amsterdam. Hopi tips a keda duna na e muchanan cu ta preparando p’e aña aki bin Hulanda, manera con pa prepara bo mes mas miho posibel riba un estudio na Hulanda of con pa inscribi bo mes pa tin e sigurancia pa haya un camber na tempo.

Tambe e studiantenan a comenta rib’e bida estudiantil na Amsterdam cu ta un ciudad grandi, pero cu Amsterdam tin un caracter hopi internacional. Esaki debi cu tin hopi hende di diferente nacionalidad ta biba y traha na Amsterdam.

Na final e studiantenan a expresa nan satisfaccion rib’e iniciativa di e Minister pa cu e anochi aki y tambe nan a gradici e mandatario p’e invitacion.

Johnson
notary services

AUCTION

ex. 3:268 Civil Code of Aruba

THURSDAY JUNE, 22 2017

On June 22, 2017, at 11 AM, at the Conference Room of the Chamber of Commerce, Irausquin Boulevard 10, Aruba, will be auctioned in public:

1. A residential house locally known as:

MADIKI 95-B

standing on a parcel of public land, 606 m2 in size, situated at Madiki in Aruba, locally recorded as First Division Section N number 1469.

The lease rights expire on July 7, 2056

Starting price: Afl. 286.470,--

2. A residential house locally known as:

PITASTRAAT 201

standing on a parcel of public land, 807 m2 size, situated at Hato in Aruba, locally recorded as First Division Section K number 2259. The lease rights expire on February 1, 2056

No reserve price will be used for the auction of this property. Only serious offers will be considered.

3. A residential house, locally known as

TOTOLICASTRAAT 5

standing on a parcel of full ownership land, 606 m2 in size, situated at Totolicastraat in Aruba, locally recorded as First Division Section S number 65.

No reserve price will be used for the auction of this property. Only serious offers will be considered.

AUCTION NOTARY: T.R. Johnson, LL.M.

- The auction is subject to the general conditions for foreclosure auctions and special auction conditions which will be determined by civil law notary T.R. Johnson.
- The auction will take place by raising bids (in Dutch: “bij opbod”) and by decreasing bids (in Dutch: “bij afmijning”), in one session.
- Seller has the right to not accept any bid, at his sole discretion.
- The auction may be stopped or postponed at any time.
- Each bidder must be able to submit a bankguarantee issued by a reputable bank in Aruba to the amount of the highest bid increased with an amount equal to the auction costs.

For more information:

WWW.JOHNSONNOTARY.COM

Cabesantenan Angela Romero y Sharissa Tsu **ISL a siña nos con pa bin cu cambionan den enseñansa**



RECIENTEMENTE a tuma luga e “International School Leadership” (ISL) cu participacion di diferente departamento di enseñansa. Docentenan a mustra pakico nan a haya cu e conferencia aki tabata uno importante. Cabesantenan Romero y Tsu a haya cu ISL a mustra ideanan con pa mehora enseñansa y unda por mehora.

Scol Preparatorio Tarcisius ta haciendo cambionan y esaki ta cosnan cu no por cambia di biaha. Nan a haya hopi informacion cu ta util pa nan cu ta lider por implementa na scol.

“Tin hopi idea bunita y positivo cu ta cuadra cu loke nos ta haci pa varios aña caba por ehempel Consciuos Discipline, dunando sosten”, Angela Romero a splica.

Diferente otro curso cu nan a haya ta compila cu ISL y asina nan a haya un miho idea y e conocimiento cu nan ta rib’e bon caminda cu nan por guia nan scolnan.

Nan a haya e oportunidad pa bay Canada y nan a forma parti di e simposio.

“Esey tabata hopi great. Mi a mira cu nos no ta e unico sistema di educacion cu tin cierto trampa pero cu nos por drecha nan y cu nos ta trahando riba tur pa logra”, Angela Romero a comenta.

E impacto di ISL na Aruba ta grandi y tin hopi hende hoben, lidernan nobo, cu tin ideanan nobo pa trece, pa implementa. Hunto cu otro cursonan cu e cambio di pensamento pa un miho educacion, e deseo di cambia, e curashi cu nan ta topa ultimamente cerca otro hende pa trece un caminda. Purba di implementa esaki ta hopi bunita, pasobra e ta acopla cu loke Laura a siña nan y mira nan como ehempel y mira kico por adapta akinan.

“Manera Minister Hooyboer-Winklaar a bisa e no ta un cambio cu lo bay logra den 2 aña.

Nos mester keda persevera, colabora cu otro y comunica p’asina nos por logra yega trece e cambio den e sistema di educacion cu nos ta desea”, Angela Romero a remarca.

ISL a haci’e mas miho pasobra antes cabesante di Colegio Bon Bini, Sharissa Tsu, a cuminsa cu un proyecto pa promove colaboracion den klas. Durante e conferencia di ISL el a caba di hinca e proyecto den otro. Awo nan ta purba di duna les dos biaha pa siman den sistema di colaboracion. El a hinca esaki den un sistema cooperativo y juffrouwnan mester duna un les a base di eseynan. E tayer a dura hopi y nan ta bezig pa 2 aña.

“Aworaki ta mirando con e ta bayendo den e klas”, Sharissa Tsu a comenta.

Hopi biaha ISL ta trata di colaboracion y e cabesante di Colegio Bon Bini ta di pensamento cu nan mes ora tabata chikito tabata sinta den banki tras di otro y no tabata mag di yuda otro y a crece den un sistema asina. Comunidad ta pidiendo diferente y mester siña con pa traha hunto. ISL ta trece e sistema ey con pa colabora y esey ta loke eigenlijk aki mester cambia poco, poco den enseñansa. Den scol basico e ta un poco dificil pasobra hopi biaha ta enfoca cu muchanan tin cu sinta patras di otro, nan no mag di kijk af, nan no mag di yuda otro. E ta un pensamiento cu mester cambia.

Detencion di dos sospechoso pa resistencia

WILLEMSTAD – Diasabra, 10 di juni 2017, alrededor di 2:30, un patruya cu tabata patruyando den area di Zuikertuintje a topa un auto staciona sin niun hende aden, cu tabata obstaculisa e trafico. E patruya a cende su “zwaailicht” pa hala atencion di e persona cu lo ta maneha e auto pa e bin kit’e.

Despues di un rato un homber a presenta na e auto. E Polis a hala atencion di e homber aki rib’e manera cu el a staciona e auto. E homber a reacciona di un manera arogante.

Despues e Polis a pidi e homber pa su rijbewijs y e documentonan di e auto. E homber a duna e Polis su rijbewijs, pero no a duna e documentonan di e auto. E homber aki sin ningun motibo a cuminsa insulta e Polis. E Polis a exigi e homber aki pa entreg’e e documentonan di e auto.

N’e momento ey e homber a nenga di entrega e Polis e documentonan y a drenta den e auto y start esaki. Na mes momento un dama cu tabata presente a drenta den e auto y sinta rib’e stul banda di e chauffeur. E Polis a bolbe exigi’e na diferente ocasion p’e homber entreg’e e documentonan di e auto. Pero e homber no a cumpli y no kier a duna su cooperacion.

Despues cu Polis a exigi’e na diferente ocasion p’e sospechoso aki **M.A.M.C. naci na Corsou di 37 año di edad** entreg’e e documentonan di e auto manera ariba menciona, e Polis a pidi’e pa paga e motor di e auto. E sospechoso a nenga di haci esaki tambe.

N’e momento ey e Polis a habri e porta di chauffeur y trata na saca e yabi di e auto pa evita cu M.A.M.C. ta core bay. Tambe pa motibo cu e sospechoso aki tabata hole alcohol.

N’e momento ey, tanto M.C. como e dama sospechoso **L.C. naci na Corsou di 35 año di edad** cu tabata sinta banda di dj’e a stroba e Polis di cumpli cu su trabou.

Despues di loke pasa e Polis a bisa e homber cu e ta keda deteni pa obstruccion di trabou di Polis.

N’e momento ey e homber a resisti su aresto y e dama L.C tambe a obstrui esaki.

Na diferente ocasion Polis a instrui e dama aki pa no stroba nan trabou. E dama a sigui stroba e trabou di Polis. N’e momentu ey Polis a haya nan ta uza forza pa detene M.C.

Un ratu despues Polis a detene e dama tambe pa obstruccion di trabou di Polis manera ya menciona. A transporta ambos sospechoso y e auto pa Warda di Polis pa mas investigacion.

Johnson
notary services

AUCTION

THURSDAY JUNE, 22 2017

On June 22, 2017, at 11 AM, at the Conference Room of the Chamber of Commerce in Aruba will be auctioned in public, ex. art. 3:168 BWA:

1. A residential house locally known as:

MADIKI KAVEL 97

Standing on a parcel of public land, 417 m2 in size, situated at Paradijswijk in Aruba, locally recorded as First Division Section K number 1459. The lease rights expire November 20, 2045.

Starting price: Afl. 195.000,--

2. A residential house locally known as:

MADIKI 125

Standing on a parcel of public land, 701 m2 in size, situated at Madiki in Aruba, locally recorded as First Division Section N number 1543. The lease rights expire on May 7, 2056.

Starting price: Afl. 131.700,--

3. A residential house locally known as:

GILLESPOPPESTRAAT 3

standing on a parcel of full ownership land, 350 m2 in size, situated at Cura Cabai in Aruba, locally recorded as **5 M 65 / 1959**

No reserve price will be used for the auction of this property. Only serious offers will be considered.

4. A residential house, locally known as

SABANIA ABAO 30-G

standing on a parcel of full ownership land, 1885 m2 in size, situated at Sabania Abao in Aruba, locally recorded as Third Division Section B number 828, with indexnumber D 3909.

No reserve price will be used for the auction of this property. Only serious offers will be considered.

- The auction is subject to the general conditions for foreclosure auctions and special auction conditions which will be determined by civil law notary T.R. Johnson.
- Each bidder must be able to submit a bankguarantee issued by a reputable bank in Aruba to the amount of the highest bid increased with an amount equal to the auction costs.

[For more information:](http://www.johnsonnotary.com)

WWW.JOHNSONNOTARY.COM

Renobacion di Centro Deportivo Frans Figaroa na Noord ta bayendo bon y pronto e lo ta den funcion optimal



E renobacion di e acomodacion deportivo di Frans Figaroa na Noord ta drentando den su fase final. Den un bishita di trabou realisa recientemente dor di nos Ministro di Deporte dr. Alex Schwengle & sr. Di-Stefano O. Wernet RA, Presidente di St. Fundacion Lotto pa Deporte y alabes tesorero di St. Fundacion Facilidatnan Deportivo, n'e compleho por a nota cu e dak di e stadion ta completamente cla, mientras e scoreboard tambe tey.

Den un combersacion cu Presidente di St. Fundacion Lotto pa Deporte (St. F.L.P.D.) y alabes tesorero di St. Fundacion Facilidatnan Deportivo (St. F.F.D.), sr. Di Stefano Wernet RA el a conta nos lo siguiente; "Awe cu orguyo y satisfacion nos a constata cu e compleho deportivo na Noord ta practicamente cla, a cambia e dak cual tabata hopi necesario. Un pabien na Noord y Pueblo di Aruba, principalmente na nos deportistanan den tur ramo".

Mester bisa a aserca cu St. F.F.D a cumpra un asina yama "manlift" nobo esaki pa su personal. Esey ta un desaroyo den inovacion tecnologico. Segun sr. Wernet aki no solamente ta corda riba e trahadornan, pero ta yuda nan cu tecnologia tambe. E "manlift" lo sirbi pa yuda den e mantencion di tur e complehonan deportivo cu ta restora bou di St. F.F.D.

Mester tene na cuenta cu traha sportcomplex ta uno, pero mantene esaki ta mas importante. E mantencion tin di haber cu klein onderhoud y groot onderhoud y e mas importante t'e preventief onderhoud p'e groot onderhoud no bira grandi y costoso.

Lamentablemente mester constata si cu nos tin cu focus mas fuerte den mantencion. Compleho por tin hopi, pero mester por mantene y cumin-

sa explota esakinan mas den forma di State of Art, cu otro palabra wak pa tin suficiente uso di publico, usamento dor di atleta, club, federacionnan deportivo y sin lubida nos scolnan, e ora ey tur partido por ta contento.

Danki dor di e maneho responsabel di nos Ministro di Deporte tin skills, willing & money pa traha riba mantencion.

Un apelacion na nos tur pa duna un aporte pa cuida e complehonan deportivo contra vandalismo. No lubida deporte & educacion ta determina e futuro di nos hubentud. Ban duna man. Na banda di e renobacion di e dak, tin un scoreboard nobo cu ta cla pa bay den funcion. E unico cu falta ta pa instala t'e lusnan. Aki a haya un tiki contratempo principalmente den oranan di anochi e usuarionan no por a haci uso di e compleho.

Pronto lo bay instala tur e lusnan aki cu lo bira uno hopi bon mes. Unabes cu ta inverti ta haci esaki mas mihor cu ta posibel.

Pueblo di Noord ta un bario grandi cu tin deporte na curazon mescos tambe t'e pensamiento di esnan di Lotto, St. F.F.D. y sigur nos Ministro di Deporte cu su vision duradero pa deporte sigi crece na Aruba.

Por ultimo St. F.F.D. ta pensa riba su trahadornan y pesey mes lo introduci un tipo di uniform pa su trahadornan, ta analisando e rooster, e human resource planning, e workload conhuntamente cu sindicato SEPPA.

Lo bin cu sistemanan pa evalua personal, sistemanan mas obhetivo, lo papia cu e trahadornan riba nan funcionamiento, unda lo yuda e trahador den su desaroyo profesional y personal sin lubida e seguridad die trahadornan den nan trabou.

Practica di intimidacion ta sigui di parti di AVP!

MEP semper ta laga cada ciudadano den nan honor y dignidad pa loke ta derecho di nan propiedad

E forma ehemplar cu partido MEP y su candi-datonan ta hibando nan campaña den e ultimo lunanan aki ta hayando aceptacion y admiracion grandi den comunidad Arubano.

Den tur skina, nan ta comenta positivamente pa cu e forma di hiba campaña di e partido aki.

Sinembargo ta reina un disgusto grandi den pueblo mirando e intimidacion nunca bisto cu ultimo simannan ta wordo practica dor di e activistanan di AVP.

Nos por a mira esaki den fin di siman ultimo caminda e lider di AVP, Mike Eman y su coordi-nadornan a dicidi di core campaña riba e ruta di Ponton direccion Noord y caminda nan tabata cla-ba 2 te 3 palo di bandera berde na varios cas sin cu nan a haya permiso di e doño di cas pa haci esaki. Te hasta nan a tribi di bay claba bandera na cas di un co-fundador di MEP, kende recientemente a fayece y aki tambe sin cu nan a haya permiso di e señora viuda pa claba e palo di bandera aki.

Sin ningun tiki di respet nan ta cana den grupo grandi pa den forma in-timidante pone tur hen-de bao presion y cu tur hende mester acepta nan forma di hiba campaña.

Partido MEP ta denuncia e practicanan aki, ya cu e activistanan aki no mes-ter kere cu nan ta doño

di Aruba y cu tur hende mester guli mand'abao nan forma di intima-dacion.

Nan no mester sigui e grito di nan lider Mike Eman di algun tempo

pasa caminda e tabata sclama cu "tur cas ta su cas" y cu esaki ta duna nan man liber pa claba palo di bandera na nan antoho, cu bo gusta of laga.

Contrario n'e politica di intimidacion aki partido AVP mester tuma ehem-pel con MEP ta laga cada habitante den nan honor y dignidad y ta laga pa nan mes dicidi si nan kier un bandera claba na nan

cura di cas, of no.

Esey t'e practica cu MEP ta uza y ta respeta propie-dad di cada ciudadano den e pais aki. Laga un y tur sigui e bon ehempel aki.

100% ARUBANO

CERTIFIED TECHNICIANS

100% PARTS & WARRANTY SUPPORT

Check Out OUR FATHER'S DAY SPECIALS!!

AVAILABLE JUNE 5 - JUNE 30

EL SERIES 220V SEER 16

Inverter BTU	Normal Price	Cash & Carry	Installed
9.000	AWG 1.604,-	AWG 950.-	AWG 1.350,-
12.000	AWG 1.821,-	AWG 999.-	AWG 1.399,-
18.000	AWG 2.266,-	AWG 1.450.-	AWG 1.999,-
24.000	AWG 2.680,-	AWG 1.899.-	AWG 2.400,-
36.000	AWG 4.480,-	AWG 3.549,-	AWG 4.196,-

Bishita Nos na

FLEMMINGSTRAAT 12

HABRI DIALUNA - DIASABRA

Arco Iris Kleuterschool

TEMPO

5838959

5930297

5928952

FAN COILS

PACKAGED UNITS

AIR HANDLERS

CASSETTES

CONTROLLERS

CHILLERS

VRV

NOS TIN FULL LINE OF PRODUCTS

DAIKIN

Servicio pa Comunidad



Emergencia

Brandweer	911
Polis	100
Polis Oranjestad	102
Polis San Nicolas	104
Polis Santa Cruz	105
Polis Shaba	107
Polis Tipline	11141

Ambulance San Nicolas	584-5050
Ambulance Sasaki	582-5573
Ambulance Wayaca	582-1234

Hospital	527-4000
Centro Medico San Nicolas	524-8833
SVB (AO-Ziekmelding)	527-2782

Botica na Warda

Pabou di Brug:

Botica Trupiaal

Pariba di Brug:

Botica Maria

Dokter na Warda

Pabou di Brug:

Pariba di Brug:

LINDEN V/D

Servicionan

ELMAR Storingdienst	523-7147
SETAR Storingdienst	117
Digicel	145
WEB Storingdienst	525-4600
Reina Beatrix Int'l Airport	524-2424
Serlimar	584-5080
Arugas	585-1198
Guarda Costa	913

Funeraria

AD Patres	584-2299
Aurora	588-6699
The Olive Tree	582-0000

Fundacion

Rode Kruis Aruba	582-2219
FADA	583-2999
Fundacion Respeta Mi	582-4433
Fundacion Guia Mi	587-1677
Muhe den Dificultad	583-5400
Telefon pa Hubentud	131
Centro K'brahacha	588-3131
Stichting Bloedbank	587-0002
Mary Joan Foundation	588-9999
Koningin Wilhemina Fonds ...	582-0412
Fundacion Pa Nos Muchanan..	583-4247

Cas Editorial



The Media Group

Margrietstraat #3

Oranjestad, Aruba

Tel: 583-1400 Fax: 583-1444

Orario di Oficina

Dialuna - Diabierna

8am - 5pm

Cuenta di Banco

CMB #22982600

E-mail

Redaccion: noticia@awemainta.com

Aviso: aviso@awemainta.com

Subscribi na: notica@awemainta.com

Director

Victor "Toko" Winklaar
Victor R. Winklaar

Na Hilton Aruba Caribbean Resort & Casino Bienestar Físico & Emocional Promovi riba Dia Global di Bienestar



DIA Global di Bienestar riba dia 10 di juni, 2017, a wordo celebra rond mundo como tambe riba e isla, na Aruba Caribbean Resort & Casino.

E edicion di Dia Global di Bienestar di e aña aki a wordo dedica n'e importancia di biba bon, aumentando concientisacion pa tur cos, for di ehercicio y tratamentonan di beyesa pa un estilo di bida saludable, nutricion balansa y pensamento mas profundo.

Entre e actividadnan di Dia Global di Bienestar cu a wordo ofreci n'e resort, awa di aloe fresco n'e area di recepcion durante e dia, juicenan di fruta fresco na Laguna Restaurant durante desayuno, y juicenan di fruta fresco sirbi rond di e piscina du-

rante e oranan di mainta.

Mini tratamentonan di eforea spa a wordo duna bou di Cabana di Actividad banda di e piscina, y mas despues durante e dia, den e lobby principal. Actividadnan complimentary manera Cardio Kick-boxing, Aquacise y Beach Tennis tambe a tuma lugar durante e dia, y a wordo ricibi na un manera sumamente positivo p'e huespednan.

Miembronan di ekipo y e huespednan di e resort a disfruta di e interaccion anima y actividadnan refrescante y a post nan imagennan riba social media usando e hashtags: **#wearehilton**, **#hiltonwellness**, and **#globalwellnessday**



WILLEMSTAD - Lieutenant Colonel Jonathan F. McGowen, siman pasa a introduci e Comando nobo di USFOL na Corsou y Aruba. Ta trata di Lieutenant Colonel James E. Wells. E traspaso di commando ta un tradicion military cu ta simbolisa continuacion di liderazgo y unidad.

E Comando saliente ta pasa e bandera pa su sucesor Presente n'e acto aki tabata e.o. Colonel Kim Campbell, Commander di e di 612th Theater Operations Group y di 47th Air Expeditionary Group, Headquarters Twelfth Air Force, Davis Monthan Air Force Base, AZ, Gobernador interino di Corsou, sra. Nolda Romer-Kene-pa, Commodore Hans Lodder, Prome Minister di Corsou, Eugene Rhuggenaath y miembronan di su Gabinete manera e.o. Ministers Zita Jesus-Leito, Quincy Girigorie, Marilyn Alcala-Walle, y Kenneth Gijssbertha, y otro huespednan invita.

Loke ta yamativo, maske cu ta papia di un entidad di Aruba tambe, no tabatin ningun representacion di Aruba presente.

Durante periodo di Lieutenant Colonel Jonathan W. McGowen el a sa di distingui su mes den un outstanding performance unda el a sa di unifica esfuertonan di 381 militar y personal civil den combatimento di trafico di droga.

El a logra na haci detencion di 568 persona, kendenan tabata envolvi den traficacion di droga na balor di 3 biyon dolar.

Colonel McGowen a gradici tambe Marina Hulandes, pa nan cooperacion. Sin nan envolvimento, no a logra confisca tanto droga. Su sucesor, Lieutenant Colonel James E. Wells tabata Director of Staff di e 552nd Air Control Wing na Tinker Air Force Base na Oklahoma. Como tal e tin amplio experiencia den e trabao aki pa sigui combati trafico di droga ilegal.

Organisa pa WannaGo Outdoors

La Cabana a tene un Dia di Team Building pa Gerente y Supervisornan



LA Cabana Beach Resort & Casino recientemente a tene un Dia di Team Building pa su gerente y supervisornan, sacando nan di e resort pa un cambio di escenario y un dia completo di actividad. E dia, organisa pa WannaGo Outdoors, a cuminsa ora cu un bus a hiba nan for di e resort pa Mangel Halto, unda e grupo a wordo dividi entre ekiponan y reta pa participa den varios ehercicio di team building, cu e meta di yuda nan enfoca riba cooperacion, confiansa, comunicacion, habilidadnan di liderasgo y diberticion.

E actividadnan di ekipo tabata diseña pa yuda e gerente y supervisor-nan conoce otro un tiki mas mihor y desvela habilidad y talentonan scondi, como tambe stimula comunicacion habri y transparente, asina tambe aumentando confiansa.

Mientras cu nan a disfruta di e ehercicionan dibertido, e miembronan di ekipo a refleha riba problemanan di comunicacion y procesonan di feedback, yudando nan crece como un persona y como un ekipo, y siñando nan tocante liderasgo fuerte.

Despues di a completa varios ehercicio y a anuncia e grupo ganador, tur hende a wordo hiba pa De Palm Island, unda nan a disfruta di un dushi lunch prome cu un tiki relajacion.

Nos portretan ta muestra e grupo di Gerente y Supervisornan, disfrutando di un dushi dia, mientras cu nan a mehora nan habilidadnan di trabou y personal.



'Lost Love Poems' di Lily Clarisa obtenibel awe mes na Plaza Book Shop



DIA 17 di juni for di 11:00am – 1:00pm nos ta conta cu presencia di Lily Clarisa cu lo ta presente na Plaza Book Shop pa presenta y firma su buki 'Lost Love Poems' na tur su publico.

'Lost Love Poems' ta un coleccion di 49 poesia cu ta hibabo riba un biahe emocional for di etapa di amor te cu periodo di desamor. 'Lost Love Poems' ta hibabo dor di e aventura cu yama amor; e parti bon, e malo, e deseo, e desesperacion te na olvido y desamor. Na final, ora bo pensa cu amor ta caba na nada, e chispa ta cende bek y e ta cuminsa ful di nobo.

E storia di Lily Clarisa:

Ya for di chikito caba Lily Clarisa a cuminsa skirbi poesia, novela pa hoben adulto y tambe storia pa mucha (pendiente publicacion). Na 2015 y na edad di binti tres aña, el a publica su prome buki di poesia titula 'Lost Love Poems'.

E prome parti di e buki 'Lost Love Poems' ta concentra rib'e inocencia, puresa, anhelo y e efecto casi obsesivo. E segundo parti ta cubri efecto devastador cu amor por tin y cu ta laga bo sinti perdi.

E mensahe cardinal cu 'Lost Love Poems' ta trece dilanti ta pa nunca stop di kere den bo mes, ni den otro. Amor por kibra, kima y caba, pero bida ta sigi; acepta e dolor, pasa dor di e proceso pero sigi pa dilanti, stima otro y stima bo mes, prome cu tur cos.

Lily Clarisa tambe ta un artista-interprete di arte y ta recita su poesia durante evento 'Poetry Nights on Aruba' presenta pa BASHA Foundation. E ta docente di Ingles y escritora.

Lily actualmente ta studiando pa obtene su BA den Teaching English as a Foreign Language for di Windesheim College situa na Zwolle, Hulanda.

Actualmente, Lily ta duna les di ingles na studiantenan di EPB HATO na Oranjestad, Aruba.

Lost Love Poems ta obtenible awe mes na Plaza Book Shop pa Afl 38,-.





AWEMainta




www.facebook.com/awemainta



Online

Workshop "Teatro, arte di bida diario" na Biblioteca Nacional



BANCO DI CARIBE

OFFICIËLE KOERSEN TEN OPZICHTE VAN DE ARUBAANSE FLORIN

GELDIG OP 12 Jun, 2017 EN TOT NADER ORDER

valuta	aankoop van publiek			verkoop aan publiek
	bankpapier	wissels, CHQ's reischeques en overboekingen		
Ned. Antil. Gulden ANG Per ANG 100	98.00	100.00	biljetten chq./overboeking	100.20 100.00
Amerikaanse dollar USD	1.77	1.78		1.80
Canadese dollar CAD	1.30	1.32		1.34
Zwitserse frank (per 100) CHF	183.88	184.60		185.40
Pond sterling GBP	2.19	2.24		2.30
Japanse yen (per 10.000) JPY	160.62	162.09		163.71
EURO (per 100) EUR	198.04	199.85		201.86
Deense kroon (per 100) DKK	25.89	26.61		27.41
Noorse kroon (per 100) NOK	20.03	20.75		21.55
Zweedse kroon (per 100) SEK	19.42	20.14		20.94

BIBLIOTECA Nacional Aruba ta ofrece un curso cortico di teatro pa amantenan di teatro di edad 60plus. Esaki ta tuma lugar na Biblioteca na Playa cuminsando dia 3 di juli y tin duracion di 3 siman.

Ultimo dia di e curso ta diabierna dia 21 di juli. Sesion nan ta 3 biaha pa siman di 9'or pa 12'or.

E workshop ta tuma lugar principalmente na Biblioteca tanto paden como pafo rib'a e podium di e teatro den aire liber pero tambe otro lugar publico. Docente pa e curso ta artista contemporaneo sr. Nelson Gonzalez. Registracion por via info@bibliotecanacional.aw tambe pa cualkier otro pregunta. E curso aki ta costa 150 florin pa persona.

Sr. Gonzalez ta traha rib'e diferente interes di cada participante, considerando cu algun participante ta prefera e parti di skirbi, otro actua, canta, of otronan backstage. Teatro mester di e diferente talento y interes pa un obra por bira un realidad.

Prome siman atencion ta bay na herment pa crea un texto dramatico (script writing), di dos siman ta bay pa herment pa representa un texto dramatico y den siman 3 ta bay den direccion di actuacion y si ta desea un presentacion.

Participacion grandi di empleadonan di Boticanan Mediq

BeSafe4Life a duna curso di CPR y Prome Auxilio



BOTICANAN Mediq a procura pa algun di su empleadonan haya curso di CPR/AED y training di Prome Auxilio. BeSafe-4Life tabata encarga pa duna e trainingnan aki.

Durante e dianan aki e empleadonan a haya training di diferente producto cu tin pa Prome Auxilio, pero tambe curso di actualisa di tur cos di CPR/AED.

E participantenan a siña CPR pa adulto, mucha y mucha chikito, CPR ora cu adulto, mucha y muchanan chikito ta asfixia, consciente y inconsciente y stapnan di AED.

A haci uzo di un choking vest, baby manikin, CPR manikin y sistema di training di AED.

Tambe a haci uzo di e guia di American Heart Association pa duna e training di Prome Auxilio y tabata dura 4 ora. Cu e trainingnan aki e participantenan por atende casonan di emergencia den e prome minuutnan te ora cu personal di ambulance yega. E participantenan tambe lo siña trata hendenan cu tin sangramento, verzwik, fractura, shock, diferente tipo di herida y otro tipo di prome auxilio manera diabetes, stroke, kemadura y “seizures”.

E participante tabata interesa den e curso y tabata contento cu nan por a sigui amplia nan conocimiento rib’e tereno di CPR/AED y Prome Auxilio. Nan ta gradici Boticanan Mediq p’e oportunidad cu nan a ricibi di sigui amplia nan conocimiento.

Lider di AVP Mike Eman a campaña den tres barrio riba un dia canando algun kilometer



NO tin politico cu por wordo compara cu lider di AVP, Mike Eman den ningun sentido. No solamente e ta un persona noble y humilde, pero tambe ta traha den forma incansabel, tanto p'e pueblo como pa su partido.

Diasabra mainta como mandatario el a atende algun ciudadano y den oranan di merdia.

Un rato despues el a cambia su bachi pa bisti camisa di lider di partido y hunto cu algun di colega di partido a sigui cu otro fin di siman di campaña, canando mas o menos 2.5 km for di prome cu rotonde di Ponton te na Stadion Frans Figaroa na Noord.

Campaña cu musica for di diferente vehiculo cu a forma un caravana di apoyo p'e lider di AVP, Eman a bishita diferente cas riba e ruta di Ponton, Tanki Flip y Boegoeroei unda cu el a entrega e habitantenan un corant cu ta ilustra e trabou cu su Gobierno a haci den e ultimo 4 añanan y a combersa riba kico kier logra den un siguiente gobernacion cu sosten di e habitantenan.

Por bisa cu tanto simpatizante como esnan cu ta simpatisa otro partido a atende e lider di partido berde durante su caminata cu a pasa den tres barrio riba e caminda grandi direccion pa Noord. Team Mike Eman a keda hopi contento cu e reaccion, pasobra banda di caminda e autonan cu tabata pasa tambe tabata pidi pa pone sticker riba nan vehiculo.

E anochi a finalisa cu un bishita na Centro di Bario Noord unda colonia Filipino tabata celebra nan di 119 aniversario di Independencia.

Lider di Partido a gradici colonia Filipino pa nan contribucion na economia di Aruba, trahando specialmente den sector di turismo unda cu nan caracter similar n'esun di e Arubiano ta resalta.



Exposicion Cultural den Centro di Bario Brazil



CENTRO di Bario Brazil preparando pa di 7 Parada Folklore Cultural. Esaki ta motibo tambe e motibo cu centro di bario ta preparando un fin di siman cultural.

Cu ta incera exposicion di trahe di tur grupo tanto di participan-
tenan y reinanan.

Tambe potret y locual a wordo uza durante e diferente paradanan sin laga afo e gran celebracion di San Juan, gruponan di baile, grupo tipico y caha di orgel.

Fechanan diabierna 23 di juni ta apertura di exposicion cuminsando pa 7:00pm cu shownan y musica cultural, y diasabra 24 di juni ta celebracion di San Juan cuminsando pa 5:00pm hunto cu e exposicion.

Centro di Bario Brazil ta bay tin bunita premio pa baliadornan di San Juan tanto pa hende grandi y mucha.

Pa clausura e exposicion C.B.B tin diadomingo 25 di juni, exposicion, koffie morgen, cushina bon surti, show di baile, grupo tipico y caha di orgel cuminsando pa 10:30am te cu 6:00pm. CBB ta wardabo sin falta na e actividadnan unico aki.

Tambe tin oportunidad pa inscribi pa participa pa reina y pa gruponan p'e Parada Cultural.

Pa mas informacion por yama CBB. 5846500.

Tienda di Santa Rosa tin algun articulo pa cria na benta



SANTA Rosa manera semper ta sigui duna aporte manera na nos criadonan. No ta facil awendia pa haya un of otro articulo pa cria di bestia na Aruba. Nos di Santa Rosa na varios ocasion por tin un otro articulo pa cria cu kisas net abo mester.

Nos “tienda” chikito por tin algo cu gran parti por yuda den bo trabounan diario pa cria di bestia. Sea bo tin Carne of Cabrito. Kisas bo tin algun Galiña ta cria pa por haya webo fresco tur dia nos por tin algo pabo.

Un bishita cerca nos y nos lo ta sigur cu tin algo cu por yudabo. Tur ta articulonan nobo cu nos a caba di haya den nos tienda. Aki bo por haya diferente tipo di baki pa bebe awa pa bestia. Tanto pa Carne of Cabrito den diferente tamaño.

Baki pa pone hooi aden asina cubo no mester tira e hooi mas riba vloer. Bo ta hay’e den plastic y tambe nos tine pabo den baki di aluminium. Tur esaki ta depende kico abo lo kier scoge. Nos tin baki nan tambe pa cria di galiña pa bebe awa.

Tur esakinan ta den diferente tamaño y tambe diferente modelo. Nos tin un tipo di reki di 10 galiña caminda cu nan ta pone webo (Laying Nest) y haci bo trabou uno mas facil y sigur e ta uno recomendabel pa esnan cu tin Galiña.

Awendia pabo carga kisas manera un bulto di hooi of saconan di cuminda pa duna bo bestianan cuminda ta masha fastioso. Awor tambe aki na Santa Rosa tin pabo un garoshi cu por haci ainda mas bo trabou uno mas facil. Pasa wak e den nos tienda y nos ta sigur esaki ta di gran ayudo.

Nos ta invitabo pa pasa y haci nos un bishita y admira nos tienda chikito aki na Santa Rosa y nos ta sigur cu bo meter haya algo na bo convinencia. Sin lubida riba nos diferente simiya. Nos oficina ta habri di 7’or di mainta pa 12’or di merdia y di 1’or di merdia te cu 3’or di atardi.

Pa cualkier informacion por yama tambe na tel; 585-8102 y gustosamente nos ta cla pa yudabo.

Ricibi AweMainta tur dia den bo Inbox

Registra awo!
Manda bo e-mail na
noticia@awemainta.com

GRATIS

Celebracion di e dia **119** Independencia di **Filipinas**



AYERA mainta, den presen-
cia di Gobernador Alfonso
Boekhoudt, Minister Benny
Sevinger, Vice Presidente di
Parlamento, Chris Dammers y
otro invitadonan a tuma lugar
e acto protocolario, dor di
hisamento di bandera, sigui pa
ponemento di krans.
Tur esaki a tuma lugar na Parke
Wilhelmina, unda despues di
e parti protocolario, a sigui un
brindis y un show folklórico. E.o.
e Consul Honorario di Filipinas,
sra. Ami Henriquez-Mendez y
tambe Minister Benny Sevinger
a hiba palabra. E tabata un
mainta masha ameno y un biaha
mas, nos felicitacion n'e colonia
Filipino, cu conmemoracion di
nan fecha di independencia.

Un biaha mas,

Rumannan Stanely y Clayton Brown por wak atras riba un exitoso Expo Beauty



Continua na pagina 27 >

< Continua di pagina 26



ULTIMO fin di siman, e rumannan Stanely y Clayton Brown a bolbe organisa un otro Expo Beauty cu a wordo organisa e biaha aki den ballroom di Marriott Hotel. Contrario na otro ocasionnan, e apertura a ser haci, p'e sucesor di e futuro exponan, esta e yiu muher di Clayton, Genoveva. Masha hende a pasa den e Expo aki, loke a haci'e un exito sigur. Nos felicitacion na rumannan Brown.

Amsterdam Manor Beach Resort organizando su di tres 10K Run

Tambe lo por participa pa e 5K fun run/walk



DIADOMINGO awor riba Dia di Tata, 18 di juni, pa di tres aña consecutivo, Amsterdam Manor Beach Resort ta organizando nan exitoso International Amsterdam Manor 10K race & e 5K fun run/walk, cu lo tuma lugar dia 18 di juni pa 6:00am saliendo for di Amsterdam Manor Beach Resort. E ruta lo ta esun ya conoci, ya cu esaki a ser calibra na 2016 y ta forma parti di rutanen oficial di Ibisa.

E aña aki, mescos cu aña pasa, e fondonan recauda cu e inscripcionnan lo ser dona na Cruz Cora Aruba cu actualmente ta celebrando nan 60 aña di existencia.

P'esey Amsterdam Manor ta duna un y tur e oportunidad pa haci nan donacion tambe, y di e manera aki e cantidad di fondonan cu wordo adkiri pa medio di donacion lo ser complementa pa un suma igual, cortesía di Amsterdam Manor.

Naturalmente manera tur aña Cas Shabururi lo t'ey presente pa duna un man y otorga e medaya nan, sin lubida e propio empleado nan di Amsterdam Manor cu lo ta posiciona na cada post di awa. Nos ta invita henter nos comunidad pa apoya e di tres edicion di e International Amsterdam Manor 10K race & e 5K fun run/walk mirando e importancia cu Cruz Cora tin den nos comunidad.

Participacion y registracion pa local ta 25 florin y pa e competidonan internacional lo ta \$25 dollar. E prijs di registracion ta inclui: 1 Amsterdam Manor 2017 Dri-Fit Shirt cu manga of sin manga, 1 Amsterdam Manor 2017 number di Bib, 1 medaya di Amsterdam Manor 2017 pa tur cu a participa, fruta y bebidanan no alcoholic; tambe, e posibilidad pa gana diferente premio cu lo ser rifa entre e participantenan.

Otro beneficio cu lo ser ofreci na tur participante ta cu e lo por haci uzo di un 15% di descuento na Tulip Caribbean Brasserie situa na MVC Eagle Beach. Especialmente cu ta riba dia di Tata y esaki lo ta un bon oportunidad p'e Mamanan haci nan casa un regalo cu un dushi plato di Tulip.

Si acaso a inscribi on-line pa e di tres International Amsterdam Manor 10K Race en 5K Fun Run / Walk, pero esaki no a ser paga ahinda, pasa mas pronto cu ta posibel na MVC Eagle Beach's su oficina di Recurso Humano aya na J. E. Irausquin Blv. 240 y puntra pa sra. Suzanne Verbrugge of srta. Varsha Ramdin. E ultimo dia pa busca esaki ta diaduebs 15 di juni 2017.

Ta ser aconseha pa pasa lihe ya cu e sizenan di cada ken su gusto ta cabando. Sin pago, no por garantisar bo participation den e race.

Atrobe Mike Eman ta purba di haci demage control hunto cu sra. Marjorie Vermeer

DESPUES cu siman pasa Mike Eman den nomber di Gobierno a bolbe enfatisa cu lo sera e dump di Parkietenbos, y loke el a ripiti tambe durante e debate, nos por mira cu sra. Marjorie Vermeer di Fundacion Parkietenbos a sali dilanti diabierna mes, bisa di ta contento cu Mike Eman a bolbe haci tal expresion.

E biaha aki sra. Marjorie Vermeer ta spera si cu Mike Eman lo por duna cuenta ki dia, y kico ta bay haci cu e desperdicio despues cu dump sera.

Sra. Marjorie Vermeer ta kere cu esaki por sosode den e sistema cu Ecotech a haci recientemente riba tereno di e cervceria na Balashi, esta di empaketa den un forma comprimi den saco di plastic y dera den e buraconan grandi cu tin rond di isla.

Esaki sigur despues cu e proyecto di gasificacion di sushi no a duna resultado y cu manera nos tin comprendi ta para, despues cu WEB a inverti miyones, segun Booshi Wever. Y pa colmo un biaha mas sin destaho publico.

No a tarda cu riba mesun dia Mike Eman, como e responsabel mayor di e malgobernacion cu Aruba ta hinca aden, y e sufrimento di habitantenan di Parkietenbos y becindario, a sali afo y bisa cu e ta mantene palabra y cu lo bay mira con e proceso di reciclahe lo por tuma lugar, pero cu en todo caso pronto lo sera e dump.

Den mesun un rosea e ta papia di financiamiento di Gobierno, Serlimar y compania priva. Cu otro palabra parce cu sra. Marjorie Vermeer ta bolbe tira un salba bida pa Mike Eman y asina haci damage control pa su actuacion durante e debate di Camara di Comercio, ora a trata e asunto di dump di Parkietenbos.

UPP tin e informacion cu keto bay e plan BERDE ta, cu e solucion di e dump di Parkietenbos ta, pa pasa esaki den man di compania priva, bisiña di Serlimar, y financista di AVP.

Esaki ta mesun modus operandi di aña 2000/2001, cu no tabata percura p'e trucknan haya tube ni tire di truck, pa por core rond. Asina aki kier a percura pa Serlimar sangra muri. Awor aki nos ta wak e mesun moda di opera, p'asina definitivamente pasa e henter e pilar di recohe y proceso sushi den man di un solo compania priva, un compania compinchi.

Un biaha mas sin ningun tipo di destaho publico, ta bay regala Ecotec e negoshi cu Serlimar por a gana placa cune.

Unabez cu Ecotec tin esaki den su man, e lo bay masacra e pueblo cu e prijs pa recogemento di desperdicio di cas. Y nan ta capaz, y tin prueba di esaki ora nos mira con e famia ta cobra pa baha un container na nos waf.

Tambe UPP ta lamenta cu sra. Vermeer ta wak e.o. e solucion den un forma di landfill otro caminda, sin sa kico t'e efectonan dañino cu por tin pa medio ambiente y salud di hende despues.

Ki controlnan ta wordo eherce riba e tipo di empake cu ta wordo uza?

Cuanto tempo nan lo permanece intacto? Ki sorto di gasnan por wordo crea atrobe, cu consecuencia pa candela, pero awor mei-mei di e isla?

De facto sra. Marjorie Vermeer ta bin cu un opcion di landfill, cu tambe por a wordo realisa cu e proyecto di fluff cu na 2009 a cuminsa funciona. Un fluff cu por a wordo uza pa mas cos, pero tambe pa yena e mesun buraconan cu sra. Vermeer ta referi na dje y esaki si na un manera drechi. No lubida cu e fluff no ta daniño ni p'e medio ambiente ni pa salud di hende.

UPP na mas cu ocasion, a bisa di cu por haci e mesun trabou, cu na 2001 pa 2009 a wordo realisa pa mi persona. Esta lo paga e candela, lo reinverti den e planta cu tey y pone traha y mira cu esaki bay produci e fluff, sea pa yena buraconan cu ne of pa otro uzonan di reciclahe y re-uzo, contribuyendo tambe asina n'e Blue Economy cu UPP ta mira como un parti esencial, pa trece desaroyo economico di un banda y di otro banda contribui na proteccion ambiental.

Pesey UPP ta manda un palabra di alerta, esta cu Mike Eman kier caba cu Serlimar, dor di lague sangra muri, p'asina financista di partido haya esaki, sin worry cu henter un barrio ta sufri pa añanan of ta kita e pan cu trahadornan di Serlimar ta gana honradamente. UPP ta priminti, cu sosten di pueblo, esaki lo no pasa. UPP ta para pa sobrevivencia di Serlimar, su trahadornan y nos medio ambiente, mescos cu e habitantenan di e barrio di Parkietenbos, segun Booshi Wever. UPP e real deal, pa un mihor mañan.





Cumana #44 Tel: 586-4444 / 733-2906
E: royalfuneralhome@hotmail.com / 593-0857 / 731-5847

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa tranquil,
Pa mi bolbe haña forsa".
Salmo: 23

Cu profundo sentimento nos ta participa cu a bai
sosega den Paz di Señor nos esposo, tata, welo, omo,
swa y amigo:



Sr. Dominico Tromp

Mihor conoci como "Gon"
*16-10-1931
†09-06-2017

Na nomber di su

Esposa: Juliana (Nanita) Tromp

Yiunan: Helen Tromp

Mervin y Deyanira Tromp

Gregory Tromp

Nietonan: Marvelynne & Myron Tromp
Kheili-Shea & Thais Tromp
Raimbert Ras

Su rumannan: †Abelino y †Vereanda Tromp
†Rosendo y †Carmen Tromp
Anna y †Dalmacio Thiel

Consuegronan: Querino Ras y Heddy Ras-Ponson

Sobrino y sobrinanan y nan famia

Ihanan: Ivan y Marlon Quandus, John Tromp

Primo y primanan y nan famia

Swa y Cuñanan: †Celestino, Anna Quandus y famia
†Francisco Quandus y famia
†Theresita Quandus y yunan
Editha Quandus y yunan
†Alejandrina Quandus y yunan
Pascual Quandus y yunan
Thomas Quandus y famia
Paulita Quandus y famia
†Emilia Quandus y yunan
Jerry Neville Chai

Famianan na Aruba: Tromp, Quandus, Ras, Thiel,
Lopez, Dubero,
Lewis, Gavidia, Geerman, Webb, Ridderstap,
Maduro, Orman, Martha,

Pieters, Kelly, Jeandor, Kalis

Famianan na Corsow: Tromp, Wu, Ng, Botman,
Goyla, Quandus.

Ta invita tur famia, conocirnan, amigonan, ex
coleganan di LAGO, Trimon's Welding Shop pa acto di
entierro cu lo tuma lugar diarazon 14 juni 2017 di
2'or pa 4'or di atardi na misa Santa Anna na Noord,
despues saliendo pa Santana catholico na Noord.

Adres pa condolencia: Royal Funeral Home diamars
13 juni 2017 for di 7'or pa 9'or di anochi.

Nos ta pidi nos disculpa si por a lubida un of otro
famia den nos tristesa.



Cumana #44 Tel: 586-4444 / 733-2906
E: royalfuneralhome@hotmail.com / 593-0857 / 731-5847

Laga tur locual cu ta spera mi ta bunita
Laga tur locual cu mi encontra na caminda ta bunita
Laga tur locual cu ta rondonami ta bunita
Y laga esakinan termina den tur bunitesa

Cu inmenso tristesa na nos curason nos ta participa
fayecimento di nos mama, wela, ruman y suegra
stima:



Maria Angela de Sousa

Viuda di Augusto Gomes Ferreira

Mihor conoci como Mai

*11 sept. 1938 - †07 jun. 2017

Na nomber di su

Yiunan:

Maria Gomes Ferreira y esposo Micheal Solognier

Jose Manuel Gomes Ferreira y

esposa Jessica Sinisterra

Nietonan cu e stima manera yiu:

Joseph Michelangelo Gomes Ferreira y Lindela Croes

Gilliana Gomes Ferreira y Erickson Lacle

Celine Solognier

Mama di su nietonan: Gisela Kelly-Ras y famia

Suegronan: Vera Ras y famia

Ana Vasquez y famia

Suegronan: Frans Solognier y famia

Ramiro Sinisterra y famia

Ex Suegra: Adriana Maduro

Rumanan: †Manuel de Sousa

†Joao Nunes de Sousa

†Celestino de Sousa

Maria de Jesus Sousa

Albertina de Sousa

Fernando de Sousa

Swa & Cuñanan: Jesuina Ferreira y yiu Irene (Ven)

Conceicao Ferreira y yunan Carlos y Jose Luis (Ven)

Isabel Ferreira, esposo y yiu (Madeira)

Conceicao, Yunnan Manuel y Maria (Ven)

†Maria Ferreira da Silva y yunan

†Vicencia da Silva y yunan Eva, Joao

Sobrino cu e stima manera yiu: Eva da Silva y yunan

Felipe da Silva Ferreira, esposa y yunan

Comadre: Isabel Abreu y famia,

†Mathilde de Sousa y famia

Compadre: Karel Jeandor y famia,

†Manuel de Sousa y famia,

†Alfredo Peregil y esposa

Su iha stima: Isabel Gomes y famia

Su amistades cu Semper nan tabata hunto:

Famia Agrela, do Nascimento, Orfao, da Silva

Tur sobrino(a)nan, primo(a)nan na Venezuela, Africa,

Spaña, Madeira, Australia

Compañeronan di Betesda.

Demas famia: de Sousa, Gomes Ferreira, Solognier,

Sinisterra, Ras, Lacle, Vasques, Gomes, Quandus,

Croes, da Silva, Paesch, da Costa, Geerman.

Ta invita pa asisiti na e acto di entierro cu lo tuma

lugar diamars 13 juni 2017 for di 9'or pa 11'or di

mainta na misa Paradera, despues lo sali pa Pastoor

Kranwinkel na Paradera.

Adres pa condolencia: Royal Funeral Home na

Cumana, dialuna 12 juni 2017, 7or pa 9or di anochi.

Nos ta pidi nos disculpa si den momento di tristesa

nos por a lubida algun persona of familiar.



Cumana 76
Oranjestad, Aruba
Tel: 588-6699
Fax: 588-6698
Cel: 593-0857 / 560-1403

Mi ta stima Señor. E ta scucha mi suplicanan. E'la
paga atencion, cada bez cu mi a invoc'E. Señor ta
clemente y fiel, nos Dios, yen di compassion. Señor ta
warda esnan cu ta debil. Mi tawata morto cansa, pero
E'la salba mi. Awor mi ta calmo atrobe. Señor tawata
bon pami.
Salmo 116

Nos ta participa fayecimento di:



Aloysio Kock

Mihor conoci como: "Luis of Wichi"

*19-08-1934 - †09-06-2017

Na nomber di su:

Estimada esposa:

Myrna Kock-Croes mihor conoci como "Bea of Beaty"

Yiunan: Glenda Hoek-Kock y famia

Rutsy Kock y famia

Ludwig Kock y famia

Nietonan: Raymond, Ludwig Jr., Gilbert,
Stephanie, Stephan,
Melindo y Gilliano

Bisanieto: Jayson, Yiró

Rumannan: Betto y Teresita Farro-Kock y famia

Chichi y †Nacho Orman y famia

Kimo y Mari Kock y famia

Chrismo y famia

Juan y Chichi Kock y famia

†Jose y †Carmen Kock y famia

†Nemencio (Boeboe) y

Ana Krozendijk-Kock y famia

†Chico Kock y famia

Cuñan: Vda. Rosa Croes y famia

Thomasa y Rodrigo Croes y famia

Hendrika y †Luciano Henriquez

Swa: †Walter y Rosa Wernet-Croes y famia

†Teofilo Croes y famia

†Miguel y Lucia Croes

Willy y Wilgenie Croes

Maikel y Raquel Laurence

Buchi y Rita Lampe y famia

Sobrino y sobrinanan, primo y primanan, comer y
compernan

Bisiñanan: Shona y Farina Croes

Demas famia: Kock, Croes, Henriquez, Laurence,

Orman, Lampe, De Mey, Fingal, Krozendijk, de Jongh,

Arias, Wernet

Amistadnan di Curacao: Merced y famia

Si den nos tristesa nos por a lubida un of otro famia,

nos ta pidi nos disculpa.

Acto di entierro ta tuma lugar diabierna 16 di juni na

misa Birgen di Fatima na Dakota pa 4'or di atardi

despues lo sali pa Santana central na Sabana Basora.

Restonan mortal di nos defunto lo ta reposa for di

2'or den misa.

Despues di entierro no ta ricibi bishita di condolencia
na cas.

Rest In Peace



"Mi a perde mi batalla, pero jamas mi fe den mi bon Dios"

Cu inmenso dolor na nos curason nos kier anuncia fayecimento di mi companero, nos tata, ruman, omo, opa y amigo stima:



Roman Alcides Aparicio
Mihor conoci como "Alci, Achi, Capitan"

Na number di su

Compañera: Gladys Perez-Nava

Yuinan: Raiza Jouraine (Jury) Aparicio ,
Tino Henriquez y Famia na Hulanda
Roman Alejandro (Ale) ,
Sue-ann Aparicio y Famia na Hulanda
Raul Alcides Aparicio ,
Mary-Jane Henriquez y Famia
Rebeca (Beca) ,
Marlon Willems-Aparicio y Famia

Mama di su Yuinan: Irena Palm

Manera Yui: Roque Aparicio
Mervin Nava y famia na venezuela
Yeiska Nava y famia na venezuela
Yerika Nava y famia na venezuela
Rosendo (Fanfan) Aparicio y famia
Mayra Aparicio y Famia
Baby Aparicio y Famia
Raul (Boei) Aparicio y Famia
Cado Brete y Famia
Roland (Wawa) Quandt y Famia
Rosaura (Chichi) Semeleer-Quandt y Famia
Rosendo (Juni) Quandt y Famia
Randolph (Nito) Quandt y Famia
Ramfis Danny Quandt y Famia
Minerva Storm-Dirks y Famia
Roy Dirks
Roque Dirks y Famia
Lorenzo Andrews y Famia

Su tanta grandi: Gloria y Erwin Tujeehut

Nieto y nietanan

Subrino y subrinanan

Iha-nan y demas famianan y conocirnan.

Bon Amigonan di Cas: Franklin, Ivan, Marlon, Eric,
Amigonan di Camacuri Harley y
su otro bon amigonan mucho hopi pa menciona.


Ta invita pa asisti na acto di cremashon cu lo tuma lugar diaranzon 14 di juni 2017 for di 2'or pa 4'or di atardi na Aurora Funeral Home.

Adres pa condolencia: Aurora Funeral Home, diamars 13 di juni 2017 for di 7'or pa 9'or



"Caminda Dios ta, ei mi kier biba"
Salmo 27

Cu profundo tristeza pero agradecido pa tur locual e ta significa pa nos i conforme cu boluntad di Dios nos ta participa cu a bai sosega inesperadamente di mi Esposo, Tati, Padushi, Ruman y bon amigo :



Cerilio Maduro

Mihor conoci como " Ceril" of "Lin"
*12-10-1929 - †09-06-2017

Na number di su:

Esposa : Sonia Maduro-Maduro

Yiunan :

Marlene Maduro

Eveline Maduro

Roselyn " Roosje" y Lucas Boekhoudt- Maduro

Yiuan cu a bai su dilanti : †Aithel , †Lilian, †Anthony
Nietanan cu ela stima un mundo :

Abigail Boekhoudt

Aimee Shaneika Boekhoudt

Rumannan : Vda. Maria Maduro y famia

Ursulita Maduro

Chibito y Imelda Maduro-Tromp

Swa y cuñanan :

Vda. Ofelia Oduber y famia

Vda. Carmen Jacobs y famia

Vdo. Joaquin Maduro y famia

Vdo. Marciano Maduro y famia

Vdo. Icho Valdez y famia

Vdo. Chichi Maduro y famia

Sra. Helena "Machinita" y Beto Maduro y famia

Suegro: Bernardo Boekhoudt y famia

Bon amigonan : Chico, Pedi, Boy, Fedi, Shon Papa,
Jhonny, George, Juancho,
Haime, Poy, Chris, Vladimir.

Amigo na Venezuela : Sergio Rico

Famia Cadier na Hulanda

Sobrino- y sobrinanan, primo- y primanan, Ihanan, bisiñanan.

Su colectantnan di Sta. Cruz, amigonan di Santa Rosa.
Demas famia : Maduro, Boekhoudt, Franken, Tromp,
Wernet, Oduber, Jacobs, Flemming, de Cuba, Josefa,
Valdez, Geerman, Koolman, Dabian.

Ta invita pa asisti na e acto di entierro cu ta tuma lugar diaranson 14 di Juni 2017 for di 2'or pa 4'or di atardi na Misa Inmaculada Concepcion na Sta Cruz.
Despues lo sali pa Santana Catolico na Sta Cruz.

Si den nos tristesa nos por a lubida un persona o famia nos ta pidi nos mas sincero disculpa.



"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23

Cu inmenso tristeza nos ta anuncia fayecimento di:



Sra. Aura Croes-Croes

*02-11-1924 - †12-6-2017

Ta invita tur famia, amigo y conocirnan pa acto di entierro cu lo tuma lugar diahuebs 15 juni 2017 di 2'or pa 4'or di atardi na Aurora Funeral Home, despues saliendo pa Santana catholico na Playa.
Adres pa condolencia: Aurora Funeral Home
diaranzon 14 juni 2017 for di 7'or pa 9'or di anochi.



Gradicimento/ invitacion

Casa, yiunan, nietonan y demas famia kier a gradici tur esnan cu di un of otro manera a demostra nan atencion durante fayecimento y entierro di nos difunto stima.



Sra. Hipolita Albertsz-Maduro

Cariñosamente jama Polita

Gradicimento ta bay especial na 3de verdieping di Hospital, ICU, su grupo di Tai Chi y John Fleming, Top FM, Solo di Pueblo, Cana 22 y Aurora Funeral Home pa nan bon servicio y na tur esnan cu a manda flor, krans, mensahe y yamadanan, na tur famia, bisiña, amistad y conocirnan y di Hulanda cu a duna nos nan sosten y forsa den e momentonan dificil. Boso atencion tabata y ta di gran consuelo pa nos.

Alavez nos ta invita pa compañía nos na 3 santo sacrificio di misa cu lo tuma lugar diamars 13 di juni, diaranzon 14 juni y diahuebs 15 juni 2017 na misa Inmaculada Concepcion Sta.Cruz pa 7'or di anochi.
Despues di ultimo misa lo tin un Rosario na cas: Rooi Bosal 94

Boso presencia lo ta altamente aprecia.


AWEMainta
e corant di Toko
Tel: 583-1400 Fax: 583-1444



Cumana 76
Oranjestad, Aruba
Tel: 588-6699
Fax: 588-6698
Cel : 593-0857 / 560-1403

"Laga tur locual cu ta spera mi ta bunita. Laga tur locual cu mi encontra na caminda ta bunita. Laga tur locual cu ta rondona mi ta bunita. Y laga esakinan termina den tur bunitesa".

Cu honda pena pero conforme cu boluntad di Dios nos ta anuncia fayecimento inesperadamente di nos defunto stima:



Seferiano Vrolijk

Mihor conoci como "Efi"

* 08 November 1942 + 09 juni 2017

Esposa: Maria Filomena Vrolijk-Bareño
Yiunan stima: Izaira Vrolijk
Sharitza Vrolijk y Raymond Kelly
Marvin Vrolijk
Nieta stima: Zayenne
Nieto stima: Rudson
Rumannan: †Sita y Silo Anthony
†Esi y Hela Vrolijk-Maduro
Nico y †Luchi Vrolijk-Krozendijk
†Ino y †Mena Vrolijk-Geerman
†Diana y Cobi Franken-Vrolijk
Jani y Iris Vrolijk-Martis
Linda y Rosendo Maduro-Vrolijk
Myrtha y Carlo Franken-Vrolijk
Swa- y cuñanan: Emma Bareño y famia
Piet y Helen Bareño y famia (U.S.A.)
†Carmen Luidens y famia
Luciano y Margarita Bareño-Henriquez
Tanta- y omonan: †Josefa y + Nai Winterdaal-Laclé
Selsa y Raymundo Wester-Laclé
†Donisio y Chia Laclé-Henriquez
†Bibiano y Helena Laclé-Henriquez
Subrino- y subrinanan: Michel, Urvin, Anoushka,
Jasmine, Jeremy, †Joselito, Albert,
Randy, Juliaika, Silvyanne, Eugene, Eumar, Jessica, Emily,
Kimberly, Jeaniree
Ihanan: Lizette Luidens, Lilian Maduro, Leo
Laclé, Jorge Laclé y Michel Vrolijk
Bon Amistad di cas: Amparo Ovalle y famia
Primo- y primanan, comer- y compernan. Su coleganan
di The Mill Resort, su bon amigonan specialmente
Matthew Flanegin, Tico Colina, Osvaldo Croes, Alex
Noguera y e team completo di domino (Buddha).
Demas famianan: Vrolijk, Bareño, Kelly, Tromp, Calmes,
Anthony, Maduro, Franken, Rasmiijn, Geerman, Winter-
daal, Wester, de Mey, Martis, Krozendijk, Henriquez,
Laclé, Croes, Kock, Bikker, Fingal, Dubero, Bislick, Wernet,
Peña, Silva, Kaersonhout, Vlinder, Boekhoudt, Erasmus,
Wever, Dirksz, Koolman, Albertus y demas famia,
amigonan, bisiñanan y conocirnan.
Nos kier a pidi disculpa si nos por a lubida un of otro
famia den nos tristeza.
Ta invita pa asisti na e acto di entierro cual lo tuma lugar
Diamars 13 juni 2017 pa 4'or di atardi na Aurora Funeral
Home, despues saliendo pa Santana Catolico na
Paradera. For di 2'or e restonan mortal di nos defunto
stima lo ta reposa den Aurora Funeral Home na Cumana
76.
Adres pa condolencia: Aurora Funeral Home, Cumana 76
Dialuna 12 juni 2017 for di 7'or - 9'or di anochi.
Nos ta lamenta cu despues di entierro nos no por risibi
bishita di condolencia na cas.

**REST IN PEACE.
WE LOVE YOU.**



Cumana 76
Oranjestad, Aruba
Tel: 588-6699
Fax: 588-6698
Cel : 593-0857 / 560-1403

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23

Cu inmenso tristeza na nos curazon nos ta participa
fayecimento di mi querido esposo y nos tata stima :



Pedro Harry Evertsz

Mihor conoci como "Harry"

*19-10-1928 - †07-06-2017

Na number di su :

Querida Esposa : Maria Theresa Evertsz -Janga
Yiunan : Silvio y Yvonne Evertsz-Statie
Judith y John Fun-Evertsz
Lumena y Stanley Martis-Evertsz
Rigna y Erwin Emerencia-Evertsz
Elvis Evertsz y Jenila Franken
Waina Evertsz
Norinda y Marlon Martis-Evertsz
Nieto(a)nan : Jonathan Emerencia y
yiu, Dayreline y Ermir Martis y yiunan, Jason y Edith
Fun-Hasham y yiunan, Jeremy y Parvity Fun y yiu,
Luwengela Martis y yiunan, Sullienne y Telston Martis
y yiunan, Silvienny Evertsz y Ingomar y yiu, Ramphies
y yiu, Jennifer Fun y Giano Leeuwe, Jermaro y Esther
Emerencia-Gomes, Elvinia y Raygel Evertsz, Layzmina
Emerencia, Gustavson y Kim Elias y yiunan, Elvin
Evertsz, Wainagelo Evertsz, Daniela Evertsz, Gusleeny
Elias, Stephany Evertsz, Eljean Evertsz, Naishla Evertsz

13 bisanieta(a)nan .

Sobrino - y sobrinanan na Aruba,
Bonaire y Philadelphia.

Su cuña : Ortencia Chatlein

Demas famia : Evertsz, Janga, Wanga, Oleana,
Chatlein, Statie, Fun, Martis, Franken, Emerencia,
Anthony, Lepelaars, Ellis, Koffie, Corine- de Cuba,
Frans, Bernabela, Abrahams.

Ta invita pa acto di entierro cu lo tuma lugar na Misa
Sagrado Curason na Savaneta diamars 13 di juni 2017
di 2'or pa 4'or di atardi. Despues lo sali pa Santana na
Savaneta.

Condolencia lo tuma lugar na Aurora Funeral Home
dialuna 12 di juni 2017 di 7'or pa 9'or di anochi.
Nos disculpa si den nos tristesa nos por a lubida
algun conocir of famia.

Disculpa nos pero nos no por ricibi bishita di
condolencia na cas despues di entierro.



Cumana 76
Oranjestad, Aruba
Tel: 588-6699
Fax: 588-6698
Cel : 593-0857 / 560-1403

Gradicimento / Invitacion

Na number di famia nos kier a gradici tur esnan cu di
un manera of otro a mustra atencion y a duna nos
sosten durante fayecimento y entierro di nos casa,
tata, welo , bisawelo, suegro stima.



PEDRO ALFONSO PARDO

Un danki ta bai na Aurora Funeral Home pa e bon
servicio, Sr. Ety Toppenberg, Dr. Jones y tur hende cu
a manda flor,krans, telegram, y mensahenan riba
facebook y via what's app. Un danki di curason ta bai
na tur famia, amigo-(a), bisiña, conocir cu tabata tey
presente. Bosu muestra di atencion tabata un
consuelo pa nos.

Un danki special ta bay pa Sra. Elmira Saucedo, Zr. Aki
Merzelina pa nan cuido y dedicacion, y Stella Toms
pa su ayudo.

Alavez nos ta invita pa asisiti na e Santo Sacrificio di
misa cu lo tuma lugar na misa Virgen di Fatima
Dakota:

Diadomingo 11 di juni 2017 pa 8'or di mainta
Dialuna 12 di juni 2017 pa 7'or di anochi.

Diabierna 16 di juni 2017 pa 7'or di anochi. Despues
di misa lo tin un Rosario na Tangerinestraat 15.
Bo(so) presencia lo ta altamente aprecia.

Filial di Departamento di Asuntonan Social a habri oficialmente na MFA Paradera



FILIAL di Departamento di Asuntonan Social (DAS) a habri oficialmente na MFA Paradera.

Den un ceremonia presencia pa e funcionarionan di e departamento como tambe prensa, Minister Presidente Mike Eman hunto cu Minister interino di Asuntonan Social, Angel Bermudez y director interino di DAS, Janine Boekhoudt a corta cinta. E paso aki ta cuadra cu e vision di Gabinete Mike Eman pa ofrece e ciudadano un miho servicio publico y mas cerca di su cas.

Minister Angel Bermudez a felicita directiva y trahadornan di e departamento pero tambe e comunidad di Paradera y bicindario. Mirando e facilidad amplio, moderno y agradabel cu ta conta cu ne na MFA y su gran cantidad di bishitante, Minister Bermudez a indica cu “esnan cu ta bay ubica akinan lo ta sumamente feliz cu un oficina y un ambiente di trabou nobo, pero tambe dor cu asina por trece e servicio mas cerca di e clientenan.”

Boekhoudt a splica cu e oficina ta operacional for di luna di april ultimo caminda a cuminsa brinda servicio di guia social, mientras cu siguiente luna a cuminsa tambe cu e aspecto di bijstand. E prome ta conta



cu tres profesional cual ta consisti di un trahador social, un trahador di bienestar y un trahador pa hubentud. Hunto ta atende cu casonan di problema psico-social, den relacion of cu educacion di yiu. Nan ta obtenibel tur dialuna, diaranson y diabierna durante henter dia.

E seccion di bijstand tin un funcionario cu ta atende cu e mesun tipo di peticion cu ta realisa normalmente na e sede di Playa of San Nicolas. Tin bijstand pa famia, pa persona cu limitacion y pa yiu di criansa. E servicio aki ta obtenibel tur diamars, diaranson y diahuebs.

E director interino a splica cu ya caba den e prome lunanan aki, ta atendiendo entre 20 pa 27 cliente pa siman den cada seccion.

Pa Minister Presidente Eman esaki ta otro momento di satisfaccion pa mira con e objetivo di MFA den bario ta concretatisa. “Cu cada MFA nos ta mira cu loke nos a pone nos dilanti ta birando realidad: servicionan mehora, eficiente y agradabel pa empleadonan y e clientenan den bario. Awe nos ta amplia esaki cu Departamento di Asuntonan Social”, el a indica.

Premier Eman a yama danki na oficina di maneho di MFA, na Minister Paul Croes kende ta esun cu a inicia e proceso y colega Bermudez cu a complet’e, pero tambe na e propio Departamento di Asuntonan Social cu a brasa e oportunidad aki. Un danki a bay tambe pa Arubus cu ta trahando hunto cu DAS pa facilita transporte na e clientenan cu mester yega MFA Paradera.



AWEMainta

#1 Online

Completamente
DIGITAL

**Ricibi AWEMainta
tur dia den bo inbox**

Manda bo E-mail na noticia@awemainta.com

**Haya noticia y edicionan di
AWEMainta riba nos website**

www.awemainta.com

Like nos riba Facebook

www.facebook.com/awemainta